

40. *De imperio Magni Canis et de hospitiis in eo, et de modo expediendi nova ad Dominum.*

Hoc imperium ipse in xii partes condivisit (?)¹ quælibet quarum Syno² xii nominatæ. Una autem istarum partium est illud Manzi, quod sub se habet duo millia magnarum civitatum. Unde tam magnum est illud suum imperium quod [si] unus pedes per quamcumque partem ipsius vellet ire in sex³ mensibus haberet satis, sine tamen insulis quæ sunt bene v milia quæ etiam in numerum non ponuntur.⁴ Et ut trans-euntes suis possint necessitatibus subvenire per totum regnum suum facit hospicia preparari sicut domos et curtiva quæ domus Yam⁵ vocantur. In istis autem domibus sic paratis sunt omnia illa quæ sunt necessaria humanæ vitæ. Cum autem novitas aliqua in suo habetur imperio statim ambaxiatores sui ad ipsum super equos velociter currunt. Si autem negotium arduum nimis esset et periculosum, super dromedarios ipsi ascendunt. Et cum ad ista Yam, scilicet hospicia sive domos, incipiunt appropinquare, pulsant unum cornu, ad cuius sonitum hospes illius hospitii unum hominem facit velociter preparari, cui ille qui ita velociter venit ad domum illam illam litteram representat quam portavit; et sic iste qui nuper venit ut reficiatur in illa domo manet. Tunc ille qui litteram jam recepit usque ad aliam Yam, scilicet usque ad aliam domum, properat festinanter. Et iste secundus eodem modo facit quo fecit ille primus. Sic per istum modum in una naturali die unum novum xxx dietarum ille recipit imperator.⁶ Illic etiam aliis modus mittendi pedites observatur. Nam aliqui ordinati curores in domibus quæ Chidebo⁷ nominantur assidue commorantur, habentes cingulum unum circum circa nolarum seu sonaglorum.⁸ Harum domorum una distat ab alia miliaribus forte tribus. Cum autem ad illam domum appropinquat istas duas⁹ nolas seu sonaglos incipit pulsare fortiter ac valenter; tunc autem ille alias qui est in domo se velociter parat et ad domum vadit quam citius ipse potest. Sic et isto modo, hoc idem et alii curores tenent et observant donec deventum est ad ipsum Magnum Canem unde in imperio suo [nihil] breviter fieri potest, quin statim vel cito multa penitus ipse sciatur.¹⁰

41. *De Venatione Magni Canis.*

Cum ille Canis Magnus ad venandum vadit hunc modum in se habet. Nam extra Cambalec ad xx dietas est unum pulcherrimum nemus,¹¹ viii¹² dietarum per circuitum, in quo tot animalium genera sunt diversa quod valde mirabile est. Circa ipsum nemus positi sunt aliqui pro Magno Cane, qui ipsum custodiunt diligenter. In fine autem trium vel quatuor annorum ad nemus cum gente sua vadit. Cum autem pervenit illic ipse circumdat totum sua gente et in ipsum permittunt

¹ *Ven.* Dominus divisit.

² *Ven.* Singo; not in the other copies collated, except *Ut.*, which has Signo.

³ *Mus.* v.

⁴ All this is much abridged in *Hak.*

⁵ *Ven.* Iam.
⁶ *Ven.* has nova dietarum trium only; *Far.* has xxx; and *Hak.*, *Mus.* xx;

Marc. xxx.

⁸ *Ven.* nolis, i.e., sonalis plenum; *Mus.* cum multis pendentibus sonaliis sive nolis.

¹⁰ *Hak.* greatly abridges all this again.

¹¹ *Hak.* una foresta.

⁵ *Ven.* Iam.

⁷ *Ut.* Chidebeo.

⁹ Should be suas.

¹² *Far.* vi, also *Hak.* and *Mus.*